

Petersen Dyggve

I.

Foille ne flours, ne rousee ne mente
ne chans d'oisel ne me puet conforter,
ne mes cuers n'a pooir qu'il se repente
de ma dame servir et honorer.
En dolour est m'esperance finee,
dont ma painne m'avra longue duree,
qu'en desconfort et en lointain desir
voi qu'Amours fait ma joie defenir.

II.

Bien m'est avis qu'Amours veut que je sente
trestouz les maus qu'ele me puet doner;
et ma dame i met toute s'entente,
qu'ele me veut a son pooir grever.
C'est a grant tort se ma mort li agree,
car je l'aim pluz que moi n'autre rienz nee;
et s'il li plaist, certes, bien vueill morir,
quant par ma mort la puiz a gré servir.

- letto 355 volte